



EKONOMIAREN GARAPEN,
JASANGARRITASUN ETA
INGURUMEN SAILA
Industria Sailburuordetza
Energia, Meategi eta Industria-
Administrazioaren Zuzendaritza

DEPARTAMENTO DE DESARROLLO
ECONÓMICO, SOSTENIBILIDAD Y
MEDIO AMBIENTE
Viceconsejería de Industria
Dirección de Energía, Minas y
Administración Industrial

**EBAZPENA, ENERGIA, MEATEGI ETA INDUSTRIA ADMINISTRAZIOKO
ZUZENDARIARENA. HONEN BIDEZ, AURRETIKO KONTSULTAREN MENDE UZTEN DA
ISTRIPU LARRIETAN GAI ARRISKUTSUAK TARTEKO DIRENEAN SORTZEN DIREN
ARRISKUEI BURUZKO INFORMAZIO-, EBALUAZIO- ETA KONTROL-ARAUBIDEA
HOBETUKO ETA EGUNERATUKO DUEN XEDAPEN OROKORRA EGITEKO PROIEKTUA.**

Energia, Meategi eta Industria Administrazioaren Zuzendaritzaren ustez, istripu larrietan gai arriskutsuak tarteko direnean sortzen diren arriskuei buruzko informazio-, ebaluazio- eta kontrol-araubidea hobetuko eta eguneratuko duen xedapen orokor bat egin behar dela.

Aurretiko kontsultaren xede izango dira etorkizuneko arauak uki ditzakeen pertsona fisiko eta juridiko guztiak, nortasun juridikorik gabeko erakundeak, interes ekonomiko eta sozialak ordezkatzen dituzten elkarte eta antolakundeak, erakunde publikoak eta eskubide edo interes legitimo indibidualen nahiz kolektiboen titularrak.

Administrazio Publikoen Administrazio Prozedura Erkidearen urriaren 1eko 39/2015 Legearen 133. artikuluko 1. zenbakiak ezartzen duenez, kontsulta publikoa bideratuko da legearen edo erregelamenduaren proiektua edo aurreproiektua prestatu baino lehen, administrazio eskudunaren webgunearen bitartez. Kontsulta horretan, jasoko da zer iritzi duten etorkizuneko arauak uki ditzakeen subjektuek eta antolakunderik ordezkarriek puntu hauei buruz:

- a) Ekimenaren bitartez konpondu nahi diren arazoak.
- b) Arau hori onestea beharrezko eta egoki den.
- c) Arauaren helburuak.
- d) Izan litezkeen bestelako aukera erregulatzailerik eta ez-erregulatzailerik.

Gobernu Kontseiluak 2017ko abenduaren 12an hartu zuen Akordioaren bitartez, izaera orokorreko xedapenak Idazteko Prozedura Aplikatzeko Jarraibideak onartu ziren. Horien arabera, aurretiko kontsulta hori Izaera Orokorreko Xedapenaren izapidetzea sustatu duen organoak edo zuzendaritza-zentroak gauza dezake, Euskal Autonomia Erkidegoko Herri Administrazioaren Egoitza Elektronikoaren Iragarki-taula erabiliz horretarako.

Gobernu Kontseiluak xedapen orokorrak egiteko prozedura ezartzeari buruzko jarraibideak onartu zituen erabaki baten bidez, eta bertan ezarritakoarekin bat eginez, *Legegunean* esekiko da eranskinean jasotzen den informazioa. Ondoren, ekarpenik jasotzen bada, banaka edo multzoan gaineratuko dira horiek. Halaber, gobernu irekiaren *Irekia* plataformara eraman beharko da informazio hori, eta, bertatik, egoitza elektronikoan argitaratutako iragarkirako esteka egon beharko da, alegazioak modu formalean aurkeztu ahal izan daitezen xedapen orokorrak egiteko prozeduraren barruan. Horrela, sarbide elektroniko duten askotariko guneen artean informazioa bi noranzkotan konektatzea ahalbidetuko da.



Nahi izanez gero, J0D0Z-T2HAK-JW2Q bilagailua erabilita, dokumentu hau egiazkoa den ala ez jakin liteke egoitza elektroniko honetan: <http://euskadi.eus/lokalizatzailea>

La autenticidad de este documento puede ser contrastada mediante el localizador J0D0Z-T2HAK-JW2Q en la sede electrónica <http://euskadi.eus/localizador>

Kontsultaren hartzailleek Euskal Autonomia Erkidegoko Administrazio Orokorrari helarazi ahalko dizkiote beren iritzia, iradokizunak edo oharrak, eta hamar eguneko epea izango dute hori egiteko, kontsulta Euskal Autonomia Erkidegoko Administrazio Orokorraren web-atarian argitaratu eta hurrengo egunetik zenbatzen hasita.

Ekonomiaren Garapen eta Azpiegituretako Sailaren egitura organikoa eta funtzionala ezartzen dituen apirilaren 11ko 74/2017 Dekretuak esleitutako eskumenen arabera jardunez, eta Gobernu Kontseiluaren lehen aipaturiko erabakiarekin bat eginez (erabaki horren bidez, xedapen orokorrak egiteko prozedura ezartzeari buruzko jarraibideak onartzen dira, eta Jaurlaritzaren Idazkaritzako eta Legebiltzarrarekiko Harremanetarako zuzendariaren abenduaren 12ko 132/2017 Ebazpenean jarri zen jendaurrean), honako hau

E B A Z T E N D U T

Lehenengoa.- Aurretiko kontsultaren mende uztea xedapen orokor bat egiteko proiektua. Bada, Ebazpen honen eranskinean aipatzen diren irismena, oinarria eta xedea izango ditu kontsultak.

Lehen aipaturiko manuak betetze aldera, *Legegunean* esekiko da eranskinean jasotzen den informazioa, eta, ondoren, ekarpenik jasotzen bada, banaka edo multzoan gaineratuko dira horiek. Halaber, gobernu irekiaren *Irekia* plataforman ere esekiko da informazioa, eta plataformatik egoitza elektronikoan argitaratutako iragarkirako esteka egon beharko da.

Bigarrena.- Etorkizuneko arauak uki ditzakeen subjektu eta antolakunde adierazgarriek hamar eguneko epean helarazi ahalko dute Ebazpenaren eranskinean garatzen diren alderdiei buruzko iritzia, Euskal Autonomia Erkidegoko Administrazio Orokorraren web-atarian argitaratu eta hurrengo egunetik zenbatzen hasita. Egun horiek igarotakoan, xedapen orokorrak egiteko prozedura osatzen duten gainerako izapideak egiten jarraituko da.

Vitoria-Gasteiz, sinadura-data.

ZIGOR URKIAGA URKIZA

ENERGIA, MEATEGI ETA INDUSTRIA ADMINISTRAZIOAREN ZUZENDARIA

ERANSKINA

a) Ekimenaren bidez konpondu nahi diren arazoak

Xedapen orokorraren proiektuak Industria, Merkataritza eta Turismoko sailburuaren 2006ko ekainaren 15eko Agindua (substantzia arriskutsuek esku hartzen duten istripu larrien prebentzioarekin zerikusia duten dokumentazioari, ebaluazioari eta ikuskatzei buruzkoa) ordezkatu behar du (EHAA, uztailaren 12koa, 132. zk.), EAeko araudia egokitzeko indarrean dagoen oinarriko erregulazio juridikora eta azken urteotan emandako europar zuzenbideko xedapenetara.

Horrela, jasotako esperientziatik abiatuta, egun dauden arau-hutsuneak beteko dituen arau bat egin nahi da, eremu horretan dauden kontrol-tresnak eta -mekanismoak araztu eta hobetzeko. Berrikuntza nagusietako bat segurtasun-txostenak ebaluatzeko sistema aldatzea izango da, sistemak lortu nahi duen helburuari eraginkortasun handiagoz eta efizientziaz erantzun diezaion.

b) Ekimena onartzeko premia eta aukera

Arlo horretako erregulazio juridikoa azken arau-aldaketetara egokitu behar da, eta lortutako esperientzia baliatu behar da arau-eremu hori egituratzen duten tresnak zehazteko.

Organo horrek azkenaldian abiarazitako arautze-ekimenei (bereziki industria-segurtasunari buruzko ekainaren 30eko 81/2020 Dekretua) aukera emango dute etorkizuneko arauaren edukia arrazionalizatzeko eta bertan jasotako erregulazioa egokiagoa eta sistematikoagoa izateko.

c) Arauaren xedeak

Arauaren bidez arau-esparru egonkor eta ulergarria finkatuko da, eraginpeko operadore ekonomikoek errazago jarduteko eta erabakitzeko, baina horrez gain, esparru horretako erregulazioaren oinarri izan diren printzipioak indartu eta sustatzeko balioko du arauak.

d) Egon daitezkeen ordezeko irtenbide erregulatzailerak eta ez-erregulatzailerak

Arau berria onartzea egokitzen jotzen da. Ez da beharrezkotzat jotzen sartu nahi diren erregulazio-berrikuntzak beste maila bateko arau batean jasotzea, industria-segurtasunari buruzko ekainaren 30eko 81/2020 Dekretuan eta indarrean dagoen gainerako araudian jasota baitaude.